

**July 3, 2016**

**Maikapito a Domingo ti Pentecostes:**

**Leksion 32: Ti Managpakawan a Pannakabalin ti Espiritu Santo**

**“The Forgiving Power of the Holy Spirit”**

**Sapasap a Konsepto:**

**Ti Espiritu Santo ket pagbalinenna ti komunidad a manangpakawan babaen iti panangisublina kadagiti sumiasi wenna simmina ket agsublida iti pannakikammayet ti Iglesia.**

*Kangrunaana a Konsepto kadagiti nagduduma a benneg ti idad*

*N/K/YE: Ti Espiritu Santo ket mamakawan.*

*ME/OE: Babaen iti Espiritu Santo, awatentayo ti pammakawan.*

*Y: Ti Espiritu Santo kabalinannatayo a pakawanen ken isubli ti pannakirelasyon kenni Apo Dios ken iti tunggal maysa.*

**A Ti Espiritu Santo ket pagbalinenna ti komunidad a manangpakawan babaen iti panangisublina kadagiti sumiasi wenna simmina ket agsublida iti pannakikammayet ti Iglesia.**

DAGITI TEKSTO:

**Daan a Tulag: Jeremias 31:34**

*Saanton a masapul nga isuroda dagiti kaarubada ken kailianda a mangammo ke Yahweh.*

*Ammo dakton amin a tattaok, natan-ok man wenna nanumo. Pakawanekto dagiti basolda, ket lipatekton dagiti dakes nga aramidida. Siak ni Yahweh, ti nagsao daytoy!*

**Baro a Tulag: Lukas 15:11-24**

**11** Idin kinunana: “Maysa a tao ti addaan dua nga annak a lallaki. **12** Ket ti ub-ubingkadakuada kinunana iti amana, ‘Ama, itedmo kaniak ti paset ti sanikua nga agpaay a pannakabagik.’ Iti kasta biningayna kadakuada dagiti pagbibigagna. **13** Idi agangay, kalpasan

ti saan nga adu nga aldaw, ti ub-ubing nga anak inurnongna a sangsangkamaysa ti amin a bambanag ket nagdaliasat iti sabali a daga iti adayo a pagilian, ket sadiay binusbosna a sibubuslon ti sanikuana babaen ti panagbiag iti kinagaramugam. **14** Idi nabusbosnan ti isuamin, napasamak ti nakaro a panagbisin iti intero dayta a pagilian, ket isu nangrugi nga agkasapulan.

**15** Napan pay ket nakikadua

iti maysa kadagiti umili iti dayta a pagilian, ket isu imbaonnakadagiti talonna tapno agtaraken kadagiti baboy. **16** Ket tinartarigagayanna ti mabsog kadagiti bunga ti algarroba a kankanen dagiti baboy, ket awanmangted kenkuana iti aniaman a banag. **17** “Idi a nakapagpampanunot, kinunana, ‘Nagadu a tattao a tangtangdanan ni amak ti aglaplapusanan iti tinapay, idinto ta matmatayak ditoy iti bisin! **18** Tumakderakto ket agbaniagaakg a mapan ken amak ket kunaek kenkuana: “Ama, nagbasolak a maikaniwas iti langit

ken maikaniwas kenka. **19** Saanakon a maikari a maawagan iti anakmo. Aramidennak a kas maysa kadagiti patangtangdanan

a tattaom.”’ **20** Gapuna timmakder ket napan ken amana. Bayat nga isu adayo pay laeng, nakita ni amana ket simnek ti asina,

ket timmaray ket inapungolna ti tengngedna ken inagkanna a sidudungngo. **21** Idin kinuna kenkuana ti anak, ‘Ama, nagbasolak a maikaniwas iti langit ken maikaniwas kenka. Saanakon a maikari a maawagan iti anakmo. Aramidennak a kasmaysa kadagiti patangtangdanan a

tattaom.'b **22** Ngem kinuna ti ama kadagiti adipenna, 'Darasenyo! Mangiruarkayo iti pagan-anay, ti kasayaan, ket kawesanyoc iti dayta, ket mangikabilkayo iti singsingd iti imana ken palloka kadagiti sakana. **23** Ket iyegyo ti pinalukmege nga urbon a toro, partienyo ket mangantayo ken agragragstayo, **24** agsipud ta daytoy nga anakko natay ket nagbiagf manen; napukaw ket nasarakan.' Ket nangrugida nga agragragrak.

## **PANNAKAILAWLAWAG TI TEKSTO**

### **TARABAY KADAGITI MANGISURO WENNO MANGIDALAN**

Kas iti naimbag nga agpaspastor a nangpanaw kadagiti siam a pulo ket siam a karnero tapno laeng sapulenna diay maymaysa a napukaw, ni kaanoman, ti Iglesia ket saan a pulos sumuko a mangbirok ken mangpasubli dagiti sumiasi/simmina a kamkameng. Ti Iglesia ket maysa a komunidad a saanna a pagragsakan iti mangdusa kadagiti managbasol, pagragsakanna ketdi ti panagsubli dagiti managbasol a napakawan. No pannusa ket masapul nga maipataw, kas ibagbaga ti linteg ket gaputta tarigagayanna/panggepna a pasublien dagiti narakrak a relasion a maigapu kadagiti basol a naaramidan. Babaen ti pannakaipataw ti pannusa inyegna ti pannakapnek, nupay kasta saanna a pagbalinen ti puso a mamakawan. Ti laeng Espiritu ti mangagas kadagiti agsagsagaba ti sakit babaen iti panangsalungasing ken kasta met mangitunda iti panagbabawi kadagiti managsalungasing. Ti trabaho ti Espiritu Santo iti agsumbangir ket isaganana ti lugar para iti panagkappia ken pannakaisubli dagiti narakrak a relasion. Kas maysa a komunidad ti Espiritu, ti Iglesia ket agbibig babaen ti pagannurotan ti Ebanghelio saan a babaen ti linteg. Iti sabali a bangir ti linteg isu a naranggas ken mangipataw iti pannusa, ti ebanghelio ket naalumanay ken managpakawan. Idinto a ti pannakabalin ti Ebanghelio ket agtaud manipud iti saan makita a pul-oy ti Espiritu. Nupay kasta saanna met a pakawan wenno ikkaten ti panagtrabaho ti linteg iti biagtayo a nakristianuan. Ti pudno a maar-aramid, ti Espiritu ket iplastarna dagiti serbisyo ti linteg tapno agbalin nga epektibo ti trabaho ti Eabanghelio. Ti Ebanghelio ket iplastarna ti panagtunos ti linteg ken ti Ebanghelio tapno babaen kadagiti nagbiddut ket admitirena dagiti basolda ken agpannurayda kadagiti addang wenno proseso ti pannakaagas tapno palamuyotenna ti daga para iti panagdakkel ti pamakawan. Daytoy dua a proseso ket naadaw manipud disiplina ti Espiritu Santo. Kamaudiananna, dagiti narakrak a relasion ket natarimaan ken dagiti simmina a kamkameng ket napasubli ken nagsublida iti pannakikamayet ti Iglesia.